



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Broj: 02-11-7509-4/25
Zenica, 10.07.2025. godine

Na osnovu člana 68. stav 4) tačka i), člana 70. stav 3. Zakona o javnim nabavkama («Službeni glasnik BiH», broj: 39/14, 59/22, 50/24), Rješenja o usvajanju žalbe broj: 02-11-7509-3/25 od 27.05.2025. godine, na prijedlog Službe kabineta Gradonačelnika, Gradonačelnik grada Zenica donosi:

ODLUKU
o izboru najpovoljnijeg ponuđača za nabavku klima uređaja
sa ugradnjom za potrebe Grada Zenica

U konkurentskom zahtjevu za dostavu ponuda za nabavku klima uređaja sa ugradnjom za potrebe Grada Zenica, objavljenog na portalu javnih nabavki, broj: 1355-7-1-34-3-83/25 od 02.04.2025. godine, i u Službenom glasniku BiH broj: 21/25 od 11.04.2025. godine učestvovalo je sedam ponuđača. Ponuda ponuđača „KONTAX“ d.o.o. Zenica je odbačena u skladu sa čl. 68. stav 4) tačka i) ZJN. Po provedenom postupku za najpovoljnijeg ponuđača izabran je:

“ENERGO CENTAR” d.o.o. Trn

O b r a z l o ž e n j e

Po provedenom konkurentskom zahtjevu za dostavu ponuda za nabavku klima uređaja sa ugradnjom za potrebe Grada Zenica, učestvovali su sljedeći ponuđači:

1. „ENERGO CENTAR“ d.o.o. Trn
2. „A/C SERVIS“ S.P. Golemić Bojan
3. „GLOBAL LOGISTIC“ d.o.o. Banja Luka
4. „HIDRO-GEO INŽINJERING“ d.o.o. Tešanj
5. „MULTI ELECTRONICS“ d.o.o. Živinice
6. „KONTAX“ d.o.o. Zenica
7. „ALMY“ d.o.o. Zenica

Donesena je Odluka o izboru najpovoljnijeg ponuđača broj: 02-11-7509-2/25 od 28.04.2025. godine kojom su ponude „A/C SERVIS“ S.P. Golemić Bojan i „KONTAX“ d.o.o. Zenica odbačene kao neprihvatljive.

Ponuđač „A/C SERVIS“ S.P. Golemić Bojan izjavljuje Žalbu na donesenu Odluku o izboru najpovoljnijeg ponuđača broj: 02-11-7509-2/25 od 28.04.2025. godine, putem advokata Jovane Diljević, zaprimljena kod Ugovornog organa dana 22.05.2025. godine.

Postupajući po žalbi, Ugovorni organ je utvrdio da je žalba u cjelosti osnovana, te donosi Rješenje o usvajanju žalbe broj: 02-11-7509-3/25 od 27.05.2025. godine. Rješenjem o usvajanju žalbe broj: 02-11-7509-3/25 od 27.05.2025. godine poništena je donesena Odluka o izboru broj: 02-11-7509-2/25 od 28.04.2025. godine, provedena e-aukcija, te vraćen predmet Komisiji na ponovnu analizu ponuda, u fazu evaulacije ponuda. Na doneseno Rješenje nije bilo Žalbi.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Nakon ponovne analize i evaulacija ponuda, Komisija je utvrdila da je ponuda ponuđača KONTAX” d.o.o. Zenica neprihvatljiva iz sljedećeg razloga:

„Tačkom 4.1. tenderske dokumentacije propisan je način pripreme ponude, pri čemu se navodi i način numerisanja ponuda. Ponuđač je dužan svoju ponudu pripremiti na način da svaku stranu ponude mora numerisati, te stranice ponude označiti brojem na način da je vidljiv redni broj stranice. Prvih 7 strana ponude ponuđača “KONTAX” d.o.o. Zenica nisu numerisane kako je prethodno propisano, stoga se ponuda ponuđača “KONTAX” d.o.o. Zenica odbacuje u skladu sa čl. 68 stav 4) tačka i) Zakona o javnim nabavkama.”

Ponude ostalih ponuđača ispunjavaju uslove koji su zahtijevani u Tenderskoj dokumentaciji.

Procijenjena vrijednost za predmetnu nabavku iznosi 30.000,00 KM bez PDV-a.

Ugovorni organ je nakon poništenja prethodno provedene e-aukcije, poslao zahtjev broj: 11-11-7509-11/25 Agenciji za javne nabavke da promijeni status ponuđača „A/C SERVIS“ S.P. Golemić Bojan na portalu ejn.gov.ba i označi njegovu ponudu kao prihvatljivu kako bi se mogla zakazati i provesti nova e-aukcija.

Nakon što je Agencija za javne nabavke uvrstila zahtjevane promjene na portalu javnih nabavki, e-aukcija je održana dana 09.07.2025. godine sa početkom u 09:00 sati. Početna najniža ponuda bila je 29.800,00 KM. Na e-aukciji je učestvovalo 6 ponuđača, pri čemu je cijena snižena 44 puta. E-aukcija je uspješno okončana u 14:00 sati, te su Ponuđači bodovani kako slijedi:

R.B.	Naziv ponuđača	Cijena u KM bez PDV-a	Bodovi
1.	„ENERGO CENTAR“ d.o.o. Trn, Cara Dušana 134a, 78252 Trn ID: 4404194620002	19.400,00 KM	100
2.	„ALMY“ d.o.o. Zenica	19.849,00 KM	97,73
3.	„A/C SERVIS“ S.P. Golemić Bojan	29.649,00 KM	65,43
4.	„GLOBAL LOGISTIC“ d.o.o. Banja Luka	29.650,00 KM	65,43
5.	„HIDRO-GEO INŽINJERING“ d.o.o. Tešanj	30.000,00 KM	64,66
6.	„MULTI ELECTRONICS“ d.o.o. Živinice	30.000,00 KM	64,66

Procjena ponuda i rangiranje, dati su u Zapisniku IV Komisije, broj: 11-11-7509-12/25 od 07.07.2025. godine, Zapisniku V Komisije, broj: 11-11-7509-13/25 od 09.07.2025. godine, a izvršeni su na osnovu Poslovnika o radu komisije, broj: 11-11-7509/25 od dana 27.03.2025. godine.



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ugovorni organ je izvršio izbor najpovoljnijeg ponuđača „ENERGO CENTAR“ d.o.o. Trn na osnovu bodovanja koje je izvršila Komisija formirana od strane Ugovornog organa, Rješenjem broj: 02-11-7509-1/25 od 26.03.2025. godine.

Ponuđač koji je izabran kao najpovoljniji, dužan je u roku od 5 (pet) dana od prijema ove Odluke o izboru najpovoljnijeg ponuđača dostaviti dokumentaciju iz člana 45. Zakona o javnim nabavkama, kao što je navedeno u tački 3.5. tenderske dokumentacije.

Pouka o pravnom lijeku

Protiv ove Odluke može se izjaviti žalba Uredu za razmatranje žalbi, putem ugovornog organa: Grad Zenica, Služba kabineta Gradonačelnika, Trg BiH br. 6, 72 000 Zenica, u roku od 5 (pet) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponuđaču, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Dostavljeno:

7 x Ponuđači,

1 x Tenderska dokumentacija,

1 x Služba kabineta Gradonačelnika

1 x a/a

GRADONAČELNIK ZENICE

Fuad Kasumović

